

www.BibleForChildren.org

Matyu 26



Oire uva touvira
katai vatara
vokiro toupaiava
auepa Tagausapa Vurei
Pasova oiso ra karekepe.
Uva vo vuuta-ia Jisas Betani
iare avaroepa Lasaras vo
uruiaro iare ro ira
vorevira tore piereva
tova iava. Uva Maria aue uvuiaro
katai vavata (paun) korovo ovi
oueva. Oovia vaisipai oiso, Nad.
Oovia puraiva aue iava airepa ruu piero.



Ipa pie voriva
rutu. Oa iava
oira-ia Jisas
kokotoaro kipueva.
Uva ora oira iava orui-ia
rera kokotoaro posiposi
pieeva. Oira vearo geesi
va vaaro vao sanda kepa
sopaaro vogisi pieeva.



Uva iravu voea iava katai tau erao (12) disaipel ro Judas Iskariot ira avaroepa reipa irara iare pris voea ravaavira tavisia, “Visiipa Jisas kosi pieavere.” Uva Judas vo reoaro uvuoro roruiva rutu. Oa iava ovoivira rera taviiva aue iava moni. Osa-a eisi osa iava ora rerapa raiva taraaroepa, oiso ra Jisas kosi pierleve voea vavaearo iare.



Oire voea disaipel oisi va puraiva
oiso osa voea tavireva Jisas-pa
va ravaaoro Pasova Vurei. Uva
voa-a vo aiopaiva uva Jisas bret
oureva va-ia vuurapa vaisi purasa
Pautoa-ia. Oa iava va puteputereva
voeapa disaipel va vatevatesa. Uva
oiso puraroepa, “Va-a eva ragai
varaaro oa ouri ra va aiori.”


Oa iava kap-ia
wain karo
oureva.




Oa iava Pautoa-ia vuurapa vaisi
purareva va-ia. Uva voava voea
vateoro oiso puraroepa, “leta,
visii rutu vao-ia ukaiota. Eira
revasiva oaa iria paruevere ragai
iava osa kopiira oirara rutu iava
vuriara veraoro Pauto vaaro Reo
Ovoi oirao pieoro.”



“Auoro Saimon, Saimon uvuri! Seten visiire arereva oiso ra visii roporoporeve voeao raverave vovou irara veraveraoro. Oiso osa wit rogetaaro veraverapaiveira oira aioaro ariarava. Ari ita, vii tauvapaoro varirirai, oiso ra vii vaaro oirao pie vovou viapau raveravepape. Ra va iava ora poreuverea vorevira voreoro ragaire. Oa iava araoko irara oara goru pieriverea rutu.”



Oa iava Pita rerare oiso puraroepa, “Turaro. Easi vatatoporai, oiso ra vii tapo tuukea iare avara. Ora oiso tapo ra vii tapo kopiira.” Uva Jisas Pita-re oiso puraroepa, “Vo rupao-ia vo osa kookai gau asavira touparevere, ovusa vo peva purari oiso purapaoro, Viapau taraiparai eera-ia Jisas.”



Oire uva Jisas voea tapo
avaroepea uvavure uva oiso
vaisipaive oiso, Getsemani.
Oa iava voeare disaipel
oiso puraroepa, “Vovio
toupataavora, osa vavoviore
avara voa varirisa.”
Uva oiso puraroepa, “Aite.
Vosa ruipapau ra ragai iava
o kap verari iria agasioi rutu
aue iava siraoa vo vavataaro.
Uva viapau uvuipau ra ragai
vo ruipaaro sirova utuu.
Viapau. Ari vii raga vo
ruipaaro sirova utuu.”



Uva voa-a vo uvare Judas viurupa irara tuvetuvereva ora
oearovu polis irara reipa irara pris voeaaro voearei ora
voeao ratarataa vovou irara Farisi. Oa iava voare
urioaepa aue-ia pitupaoro vuravuara, ora
aoara, ora auero rutu varao upo purapara.
Oire uva va-a vao oa iava iravu voea
iava Rovopato Pristo
kovopatoaaro uvareoaro
toereva rera pakoooro oisova
oirapapa varata-ia. Oa iava
voava koveepa. Uva Jisas rera
kekeoro oiso puraroepa, “Ae!
Vo pitupituo eakari!” Oa iava
rera kokiaro-ia vavaea tovoreva
rera iava uvareoua vore pieoro.
Osa iava rera iava vorevira vearooepa.



Oire uva oisi-a oiso osa reoroiva, rera-ia pituiva. Oa
iava rerava avaaepa. Uva rera koata pieiva Rovopato
Pristo vo kepaaro-ia. Uva Pita rera sirova
uturoepa. Oa iava voa
rerapa tauaivi toureva.
Uva voa vo kepa
kasuraaro sovara-ia
tuitui kasi puraiva.
Oa iava vo kasi-ia
tuituipaoro
paupaaepa. Oire
uva voa-a evoa
uva Pita voea
tapo
pauparoepa.



Uva iravu kovopato
Rovopatoapa Pristo roari
saratoaaro Pita ira iava
uvareoua toereva, ira
oiso puraroepa rerare,
“Oiraopavira rutu, uvare
ragai tapo ita vii kekeavora
ovusa rera tapo touparivora
kovoa-ia.” Uva Pita ora
taearoepa ita oiso puraoro,
“Viapau oiso ragai-a.” Vo osa
kookai gau ovoireva. Uva va-a vao oa
iava Pita atoarova kosiro viropa
rataure. Oa iava voa rirovira
rutu gau iraoreva siraopaoro.





Oire uva voea rutu rerava avaaepa
Pailat iare. Oire uva Pailat rera
akereva oiso, “E vii-a Jiu reraaro king,
raa?” Oa iava Pailat aatooro
oiso puraroepa, “Vii raga
ita eisi purauei.” Oire
uva Pailat voeare ita
reoa purareva ita. Uvare
Jisas iava vasesa
aueparoepa. Oa iava kaku

pieoro ita oiso puraaepa,
“Rera tapari evao parikou-ia!”



Uva va-a vao oa iava Pailat Jisas iava
vasereva voea vavaearo iare, oiso ra
rera tapaive evao parikou-ia voeao
viurupa irara reipa irara pris irara vo
ruipaaro sirova utuoro. Oire uva Jisas
ouiva. Oa iava rera raga evao parikou
kaepareva. Uva riro urui kavuoro rerava
avaaepa uvavure uva oisoa vaisipaive
oiso, Kukue Keru Pukui.
Ari aue-ia Hibru reo
oiso-ia, Golgota.




Uva-a evoa uva rera tapaiva evao
parikou-ia. Oire evoa aitereivu tapo voa
tapaiva aatokorovira oiso, iravu
ovaratavu iava ari iravu
ovaratavu iava.
Uva vaiterei
vuruvuruaro-ia
Jisas tovoiva.



Vo osa va vao varoua oua oisoa Rovopa Kepa-ia
Tempel kotovira toupave vo rataoa-ia touua Pauto vo
topisiaro iava, oa ariarava oua vuritavira rutu kari
piropa, oiso ra oirara rutu Pauto
ruvara iare tutuu pieive.

Uva Jisas rirovira rutu
oiveoro keeraoro oiso
puraroepa, “Aite! Ragai vii
vavaearo-ia urauratoa oaa
tovoavoi.” Uva oisi-a oiso
osa pura ovoioro
vovouisi vikireva
kopii ovoioro.



Ovokia-ia urioroepa Josep vova
Arimatia ro torevoko vovouto
Kaunselto. Ro ira oisoa Pauto
vo Saraarore tapo
rugorugooparo vare
tuepaoro. Ira Pailat
iare uriri asavira
avaroepea. Uva
Jisas kopiire
rera

arepareva. Oa iava
rera Josep ouavu
vorireva varoua
popoteua. Oa iava
Jisas rere pierewa rera
tavurusa va-ia varoa
popotea.



Oa iava rera tovoreva aveke rikui-ia,
oa ravaavira teka ragaiva rirova-ia
aveke. Uva vo rikui
iare iriavu rirova aveke
perireva iria-ia vo riku
riaaro ivitasa.



Uva aio ravaapa voki putevoiva vao
Sabat iare. Oa iava vo
voki isivaaro iava
avaaepa reipa irara pris
voearei ora Farisi
oeara rutu ora
guruaepa rera
ruvara-ia Pailat.



Oire uva voa oiso puraaepa rerare,

“Oreovu vao-ia oare
rugooiei Jisas vo reoaro.

Oa-ia oiso puraroepa
rera ro riro kuuvuto,

Vo pevapa voki

isivaaro iava

vorevira

toreravere, vo osa

touvira



toupareva vo.”



“Uva va iava avaaepa vo tova-ia
uutupasa. Oa iava pisikui reesivira
tovoiva o ivara-ia aveke
iria taku pievira tovoiva
vo tova-ia. Oisore ra
va-ia oovaupaave
[auropa teapi irai vo
tova kavirureve.]”



Oire uva Sabat voki topekakao vo
putevoiva, ravireo sikerereva vo
vokio iava wiki-ia vituaro vo
voki. Oa iava vaireo
urioereiepa Maria
Makdala ora o iriavu
Maria vo tova
kekesa. Vo osa
rasito ravurike

ovoiroepa
rirovira rutu. Uva
Turaro reraaro
purapurapato ensel
vuvuiua iava
vararoepa aveke
vera ovoisa oira
peka pieoro.



Oa iava voava oira ivara-ia
pauparoepa. Uva va-a vao oa iava
voeao uutupa irara rirovira
rutu rope kopii puraiva
rirovira rutu uriripaoro.
Uva oiso paaepa rutu,
Voeapa kopiipai.



Oa iava enselpato Maria vaiore oiso puraroepa, “Teapi uriripaere. Taraiparai vei-ia veigoa urioereie Jisas-re vurasaro ira kotoivorao evao parikou-ia. Viapau oiso vo touparevoi.” Ira toreroi vorevira oiso osa puraroera voviri.

Ari ita, urioereiei vo tavukio raga kekesa uva tupaivo vo kopii.




Oa iava vairei riakorirei rirovira rutu
uriripaereiepa ora rirovira tapo
rorupaereva. Uva ikauvira rikui
raga ruvara iava avaereiepa
disaipel tavisia. Uva voa-a vo uva
Jisas vairei iare pouro viropa
raivaaro.



Oa iava vairei kekeoro oiso puraroepa,
“Vearo voki rutu.” Oa iava rera iare tutuu
pieereva rerapa avivikepaoro
rera kokotoaro-ia pitusa.
Uva rera-ia vuurapa
vaisi puraereva.





Oire uva voea-ia katai tau katai (11) iare ora
karekeroepa osa aiopaiva. Oa iava voeare aveavevira
reoroepa aue-ia kaureo rugoo oaive ora aue vavagisi
vovouro oaive. Aue iava uvare viapau voeao reoaro
oirao piepaiva oea rera kekeiva vo osa toreroepa.
Oire uva vo tavitavia vao isivaaro iava Pauto rera ipa
pie ovoireva Turaro Jisas vuvuiua iare vo uva
pauparoveira oirapapa varata iava Pauto vaaro.



Oreoa vituaro iava oiso toupai, Pauto
ora rera vaaro sirao vovou rutu oirara
rutupa vatepareveira voeao oea vo
rasio-ia toupaveira.



Eva-a oa vituaro iava ro kataitoa
ragaOviito voeapa vatereva, oisore ra
oirara rutu iava oearovu rera oirao
pieive. Ra va iava viapau opesiave.
Viapau. Uva uvuipaai ra Opesi
Asa Tootoo ouive.



Rom 3:23 Oiraopavira rutu, oiso osa oirara rutu vuri vovou purapaiveira.

Rom 6:23 Oiraopavira rutu, oa-a vao rera vo voriaro ro oirato oa ourevera rera vaaro vuria vo voriaro vao-ia kopii ovoi. Ari Pauto vao riroa rutu sirao vate Tootoo Ovoi akukuvira vate ragapareveira. Oa vitupai ro vigei reraaro Turaro Jisas Krais.

Hibru 9:27 Ari ita, oirara rutu katai kopii raga rutu purapaive. Osa iava taru Pauto voea vo vovouroaro rovirieirevera rara.

Efesas 2:8,9 Oa-ia Pauto akukuvira rutu vigei vorevira ourevora ora rera iare vo vigei varaaro sirova oirao pie vovouro. Oire uva apeisi-a? E vigei raga vo kovoaro riaaro iava oiso toupapeira? Viapau rutu. Ari vao raga-a akuku vate Pauto vaaro. Uva viapau rutu uvuipavioveira ora vigei raga-ia vuurapa vaisi purapape. Eake iava? Uvare viapau oiso vigei vo kovoaro-a.



Rom 10:9,10 Vo rara oiso purapata ora visii gisipoaro iava,
“Jisas ragai Turaroaro.” Vo rara tapo ora visii vovouaro-ia
vao oirao piepata rutu oiso osa Pauto Jisas vorevira tore
piereva kopiia iava. Oire eva-a oa iava uvuiparoi ra visii
vorereve vorevira ora rerapa visii virivarioro. Oa vituaro-a
vao-ia oiso-ia, Vosa Pauto oirao piepape vo ora vigei
vovouaro-ia, oire ra va iava vigei vaisireve oiso puraoro,
Torevoko vovou irara visii. Ora vo rara oiso purapavio,
“Jisas vigei Turaroaro.” Oire ra va iava ora rerapa vigei
vorevira vorereve ita.

Jon 3:16 “Oreoa vituaro iava oiso toupai, Pauto ora rera
vaaro sirao vovou rutu oirara rutupa vatepareveira voeao
oea vo rasio-ia toupaveira. Eva-a oa vituaro iava ro
kataitoa raga Oviito voeapa vatereva, oisore ra oirara rutu
iava oearovu rera oirao pieive. Ra va iava viapau opesiave.
Viapau. Uva uvuipaai ra Opesi Asa Tootoo ouive.”



Jon 3:17 Pauto viapau oiso Oviito siporeva oirara rovirieipasa voeao vo rasio-ia oiso osa ro reo rovirieipato aue jas. Viapau. Ari eera siporeva vorevira voea kae piepaoro voea oupasa ora rera iare.

1 Jon 5:11-13 Oreoa vao oiso purapai, “Pauto vigei vatereva Tootoo Ovoi vo tootoo-ia oa-ia vituparoveira rera raga Oviito.” Ari ita, ro ira Oviitoava ora tautosivira rutu toupaveve, eera ita ira-ia Oiraopa Tootoo rutu toupaveira. Ari vosa irouto-a ro ira viapau Oviitoava ora tautosivira toupaveve, uva rera-ia viapau oiso Oiraopa Tootoo toupaveira. Vo rigato puraavo visiipa oisore ra vearovira rutu taraipata oiso, Tootoo Ovoiva toupaveira visi va-ia visiigoa vo Pauto Oviitoaaro vaisiaro oirao piepataveira.



Matyu 26-28; Luk 22-24; Jon 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Rotokas NT (roo) © 1982, Wycliffe Bible Translators, Inc.
All rights reserved.

<https://live.bible.is/bible/ROOWBT/mat/1>

©2025 Bible for Children, Inc.

www.M1914.org

www.bibleforchildren.org

